

漢魏六朝百三家集

陳

陳後主

第八十四冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 84

新集

陳後主集

陳後主集題詞

世言陳後主輕薄最甚者莫如黃鸝
留玉樹後庭花金釵兩鬢垂等曲今
曲不盡傳惟見玉樹一篇寥落寡致
不堪男女唱和卽歌之亦未極哀也
史稱後主標德儲宮繼業允望遵故

典弘六藝金馬石渠稽古雲集梯山
航海朝貢歲至辭雖誇詡審其平日
固與鬱林東昏殊趨矣臨春三閣徧
居麗人奇樹天花往來相望學士狎
客主盟文壇新詩方奏千女學歌辭
采風流官家未有梁朝羊祖忻豪侈

善音姬妾數百窮妙歌舞終日賓游
同其醉醒初不聞以此貶德使後主
生當太平次爲諸王步竟陵之文藻
賤臨川之黷貨開館讀書不失令譽
卽假列通侯世閱魚弘羊侃數輩亦
掃門不及乃繫以大寶困之萬幾豈

所堪乎鶴不能亡國而國君不可好
鶴後主蓋與衛懿公同類而悲矣漢
武李夫人歌與落葉哀蟬曲憂傷過
於後代而四夷服威陳主詞非絕淫
亡且忽焉哀而不起者在聲音之間
乎非獨篇章已也詔命書銘秋冬氣

多卽作者亦不自知日暮矣

婁東張溥題

上且念之其東燕與歌音之

多唱非音亦不自歌日暮寒秋久

陳後主集目錄

賦

夜亭度鴈賦

棗賦

詔

卽位詔

諮詢詔

舉賢詔

求言詔

柔遠詔

勸農詔

恤民詔

禁奢詔

訊獄詔

赦詔

又

又

宣聖禮典詔

答姚察詔

追贈徐陵詔

追封吳明徹詔

追贈程文季詔

追贈司馬申詔

葬伯固以庶人禮詔

原伯固諸子詔

勅

答江總等勅

報謝貞勅

制

討叔陵制

策

授江總尚書令策

書

與詹事江總書

銘

護軍孫瑒銘

樂府

採桑

日出東南隅行

三婦艷詞十一首

飛來雙白鶴

採蓮曲

昭君怨

朱鷺

巫山高

有所思三首

雉子斑

臨高臺

隴頭

隴頭水二首

折楊柳二首

關山月二首

洛陽道五首

長安道

梅花落二首

紫騮馬二首

雨雪曲

劉生

飲馬長城窟行

楊叛兒曲

舞媚娘三首

估客樂

三洲歌

前有一樽酒行

自君之出矣六首

玉樹後庭花

烏棲曲三首

東飛伯勞歌

長相思二首

古曲

獨酌謠四首

有序

詩

同江僕射遊攝山棲霞寺

同平南弟元日思歸

立春日泛舟玄圃各賦一字六韻成篇
獻歲立春風光具美汎舟玄圃各賦六

韻

上巳宴麗暉殿各賦一字十韻

上巳玄圃宜猷堂禊飲同共八韻

春色禊辰盡當曲宴各賦十韻

禊禊汎舟春日玄圃各賦七韻

上巳立圃宣猷禊酌各賦六韻

七夕宴宣猷堂各賦一韻詠五物用得

帳屏風案唾壺履

七夕宴重詠牛女各爲五韻

同管記陸琛七夕五韻

七夕宴樂修殿各賦六韻

七夕宴立圃各賦五韻

同管記陸瑜九日觀馬射

畫堂良夜履長在節歌管賦詩列筵命

酒十韻成篇

同管記陸瑜七夕四韻

初伏七夕已覺微涼旣引應徐且命燕

趙清風朗月以望七襄之駕置酒陳

樂各賦四韻之篇

晚宴文思殿

宴光璧殿詠遙山燈

三善殿夕望山燈

入隋侍宴應詔

幸玄武湖餞吳興太守任惠

宴詹事陸繕省

聽箏

戲贈沈后

附隋渠詩

小牕詩

寄碧玉詩

附錄

本紀

陳後主集卷全

明太倉張博閱

賦

夜亭度鴈賦

春望山楹日煖苔生雲隨竹動月共水明暫道
遙於夕逕聽霜鴻之度聲已悽切猶含關
塞鳴從風兮前侶駛帶暗兮後羣驚帛久兮書
字滅蘆束兮斷銜輕行雜響時亂響雜行時散

已定空閨愁，還長倡樓歎。空閨倡樓本寂寂，况此寒夜褰珠幔。心悲調管曲未成，手撫絃聊一彈。一彈管，且陳歌，翻使怨情多。

棗賦

芳園列幹，森梢繁羅。葉餘莖少，葉暗枝多。復有奇樹，風間臨月。入夜影來，未若丹心美實，絳質嘉枝。重針共暗，枝瓠同現。羞金盤于水碗，薦玉案于深杯。此歡心之未已，方夢腸而屢迴。

詔

卽位詔

上天降禍，大行皇帝奄棄萬國，攀號擗踊，無所
追及。朕以哀煢，嗣膺寶厯。若涉巨川，罔知攸濟。
方賴羣公，用匡寡薄。思播遺德，覃被億兆。凡厥
遐邇，咸與惟新。可大赦天下。在位文武及孝悌
力田爲父後者，並賜爵一級。孤老鰥寡不能自
存者，賜穀人五斛，帛二匹。

諮詢詔

堯施諫鼓，禹拜昌言，求之異等，久著前徽。舉以淹滯，復聞昔典，斯乃治道之深規，帝王之切務。朕以寡昧，丕承鴻緒，未明虛已，日旰興懷，萬機多紊，四聰弗達，思聞蹇諤，採其謀計。王公已下，各薦所知，旁詢管庫，爰及輿皂，一介有能，片言可用。朕親加聽覽，伫於啓沃。

舉賢詔

夫體國經野，長世字民，雖因革儻殊，弛張或異。至於旁求俊乂，爰逮側微，用道和羹，是隆大廈。

上智中主咸由此術朕以寡薄嗣膺景祚雖哀
疚在躬情慮惛舛而宗社任重黎庶務殷無由
自安拱默敢忘康濟思所以登顯髦彥式備周
行但空勞宵夢屢勤史卜五就莫來五能不至
是用甲旦凝慮景夜損懷豈以食玉炊桂無因
自達將懷寶迷邦咸思獨善應內外衆官九品
已上可各薦一人以會彙征之旨且取備實難
舉長或易小大之用明言所施勿得南箕北斗
名而非實其有負能仗氣擯壓當時著賓戲以

自憐草客嘲以慰志人生一世逢遇誠難亦宜
去此幽谷翔茲天路趨銅駝以觀國望金馬而
來庭便當隨彼方圓飭之矩矱

求言詔

昔睿后宰民哲王御寓雖德稱汪濊明能普燭
猶復紆已乞言降情訪道高咨岳牧下聽輿臺
故能政若神明事無悔吝朕纂承丕緒思隆大
業常懼九重已邃四聰未廣欲聽昌言不疲痺
足若逢廷折無憚批鱗而口彙之辭儻聞於在

位腹誹之意。或隱於具僚，非所以弘理至公。緝熙帝載者也。內外卿士，文武衆司，若有智周政術，心練治體，救民俗之疾苦，辨禁網之疎密者，各進忠讜，無所隱諱。朕將虛已聽受，擇善而行。庶深鑒物情，匡我王度。

柔遠詔

中歲克定淮泗，爰涉青徐。彼士酋豪，並輸罄誠。欸分遺親戚，以爲質任。今舊土淪陷，復成異域。南北阻遠，未得會同。念其分乖，殊有愛戀。夷狄

吾民斯事一也。何獨譏禁使彼離析。外可卽檢任子館及東館并帶保任在外者。並賜衣糧。須之酒食。遂其鄉路。所之阻遠。便發遣船仗衛送。必令安達。若已預仕宦及別有事義不欲去者。亦隨其意。

勸農詔

躬推爲勸義顯前經力農見賞事昭往誥斯乃國儲是資民命攸屬豐儉隆替靡不由之夫入賦自古輸藁惟舊沃饒貴于十金磽确至於三

易腴壅既異盈縮不同詐僞日興簿書歲改稻
田使者著自西京不實峻刑聞諸東漢老農懼
於祇應俗吏因而侮文輟耒成羣游手爲伍永
言妨蠹良可太息今陽和在節膏澤潤下宜展
春耨以望秋坻其有新闢塍畎進墾蒿萊廣袤
勿得度量征租悉皆停免私業久廢咸許占作
公田荒縱亦隨肆勤儻良守教耕涇民載酒有
茲督課議以賞擢外可爲格班下稱朕意焉

恤民詔

耕鑿自足乃曰淳風貢賦之興其來尚矣蓋由
庚亟務不獲已而行焉但法令滋章奸盜多有
俗尚澆詐政鮮惟良朕日旰夜分矜一物之失
所泣辜罪已愧三千之未措望訂初下使疆蔭
兼出如聞貧富均起單弱重弊斯豈振窮扇暍
之意歟是乃下吏箕歛之苛也故曰百姓不足
君孰與足自太建十四年望訂租調逋未入者
並悉原除在事百僚辯斷庶務必去取平允無
得便公害民爲已聲績妨紊政道

禁奢詔

朕臨御區宇，撫育黔黎，方欲康濟澆薄，蠲省繁
費，奢僭乖衷，實宜防斷。應鏤金銀薄及糜物化
生土木人綵花之屬，及布帛幅尺短狹輕疎者，
並傷財廢業，尤成蠹患。又僧尼道士，挾邪左道，
不依經律，民間淫祀，祆書諸珍怪事，詳爲條制，
並皆禁絕。

訊獄詔

夫議獄緩刑，皇王之所垂範，勝殘去殺，仁人之

所用心自畫冠旣息刻吏斯起法令滋章手足
無措朕君臨區宇屬當澆末輕重之典在政未
康小大之情興言多愧眷茲狴狴有軫哀矜可
克日於大政殿訊獄

赦詔

朕以寡薄嗣守鴻基哀惇切慮疹恙纏織訓俗
少方臨下靡筭懼甚踐冰慄同馭朽而四氣易
流三光遘至纓紱列陛玉帛充庭具物匪新節
序疑舊緬思前德永慕昔辰對軒闥而哽心顧

展筵而慄氣。思所以仰遵遺構。俯勵薄躬。陶鑄九流。休息百姓。用弘寬簡。取叶陽和。可大赦天下。

又赦詔

惟刑止暴。惟德成物。三才是資。百王不改。而世無抵角。時鮮犯鱗。渭橋驚馬。弗聞廷爭。桃林逸牛。未見其肯。雖剽悍輕侮。理從鉗鈇。蠢愚杜默。宜肆矜弘。政乏良哉。明慙則哲。求諸刑措。安可得乎。是用屬寤寐以軫懷。負黼袞而於邑。復茲

合璧輪缺、連珠緯舛、黃鍾獻呂、和氣始萌、玄冥告終、履長在御、因時宥過、抑乃斯得、可大赦天下、

又赦詔

柏皇大庭、鼓涓和於曩日、姬王羸后、被澆風於末載、刑書已鑄、善化匪融、禮義旣乖、奸宄斯作、何其滄朴不反、浮華競扇者歟、朕居中御物、納隍在睠、頻恢天網、屢絕三邊、元元黔庶、終罹五辟、蓋乃康哉寡薄、抑焉法令滋章、是用當亡、弗

惟矜此向隅之意、今三元具序、萬國朝辰、靈芝獻於始陽、膏露凝於聿歲、從春施令、仰乾布德、思與九有、惟新七政、可大赦天下

宣聖禮典詔

宣尼誕膺上哲、體資至聖、祖述憲章之典、並天地而合德、樂正雅頌之奧、與日月而偕明、垂後昆之訓範、開生民之耳目、梁季湮微、靈寢忘處、鞠爲茂草、三十餘年、敬仰如在、永惟愀息、今雅道雍熙、由庚得所、斷琴故履、零落不追、閱筭開

書無因循復外可詳之禮典改築舊廟蕙房桂棟咸使惟新芳蘩潔漌以時饗奠

答姚察詔

察居父憂以忠毅將軍起兼東宮通事舍人頻有陳讓不許詔答之俄勅知著作郎事

省表具懷卿行業淳深聲譽素顯理徇情禮未膺刀筆但參務承華良所期寄允茲抑奪不得致辭也

追贈徐陵詔

慎終有典、抑乃舊章、令德可甄、諒宜追遠、侍中
安右將軍左光祿大夫太子少傅南徐州大中
正建昌縣開國侯陵弱齡學尚登朝秀穎業高
名輩文曰詞宗朕近歲承華特相引狎雖多臥
疾方期克壯奄然殞逝震悼于懷可贈鎮右將
軍特進其侍中左光祿鼓吹侯如故并出舉哀
喪事所須量加資給謚曰章

追封吳明徹詔

李陵矢竭不免請降于禁水漲猶且生獲固知

用兵上術世罕其人、故侍中司空南平郡公明
徹爰初躡足、迄屆元戎百戰百勝之奇、決機決
死之勇、斯亦侔於古焉、及招定淮淝、長驅彭沛、
覆勅寇如舉毛、掃銳師同沃雪、風威懾於異俗、
功效著於同文、方欲息駕陰山、解鞍瀚海、旣而
師出已老、數亦終奇、不就結纓之功、無辭入褚
之屈、望封嶠之爲易、冀平翟之非難、雖志在屈
伸、而奄中霜露、埋恨絕域、甚可嗟傷、斯事已往、
累逢肆赦、凡厥罪戾、皆蒙灑濯、獨此孤魂、未霑

寬惠遂使爵土湮沒饗醎無主棄瑕錄用宜在
茲辰可追封邵陵縣開國侯食邑一千戶以其
息惠覺爲嗣

追贈程文季詔

故散騎常侍前重安縣開國公文季纂承門緒
克何家聲早歲出軍雖非元帥啓行爲最致果
有聞而覆喪車徒允從黜削但靈洗之立功扞
禦久而見思文季之埋冤異域有足可憫言念
勞舊傷茲廢絕宜存廟食無使餒而可降封重

安縣侯邑一千戶以子饗襲封

追贈司馬申詔

慎終追遠欽若舊則闔棺定謚抑乃前典故散
騎常侍右衛將軍文始縣開國伯申忠肅在公
清正立已治繁處約投軀殉義朕任寄情深方
康庶績奄然化往傷惻于懷可贈侍中護軍將
軍進爵爲侯增邑爲五百戶謚曰中給朝服一
具衣一襲尅日舉哀喪事所須隨由資給

葬伯固以庶人禮詔

作固同茲悖逆殞身途路今依外議意猶弗忍
可特許以庶人禮葬

原伯固諸子詔

伯固隨同巨逆自絕於天俾無遺育拱有恒典
但童孺靡識兼預葭莩寘之甸人良以惻憫及
伯固所生王氏可並特宥爲庶人

...

...

...

...

...

...

勅

答江總等勅

吏部尚書蔡徵移中書令後主方
擇其人總等咸共薦察勅答之

姚察非惟學藝優博亦是操行清修典選難木
今得之矣

報謝貞勅

貞爲南平王友掌記室事以母憂去職
頃之勅起還府貞累啓固辭勅報之貞
竟以
毀卒

省啓具懷雖知哀癯在疚而官俟得木禮有權

棄可便力疾還府也

策

授江總尚書令策

於戲夫文昌政本司會治經韋彪謂之樞機李
固方之斗極況其五曹斯綜百揆是諧同冢宰
之司專臺閣之任惟爾道業標峻寓量弘深勝
範清規風流以爲準的辭宗學府衣冠以爲領
袖故能師長六官具瞻允塞明府八座儀形載
遠其端朝握揆朕所望焉往欽哉懋建爾徽猷
亮采我邦國可不慎歟

公永懷辭制而不與期

其辭則雖烈烈也而意則持然然然也

附姑附附附附附附附附附附附附附

其辭則雖烈烈也而意則持然然然也

其辭則雖烈烈也而意則持然然然也

其辭則雖烈烈也而意則持然然然也

其辭則雖烈烈也而意則持然然然也

其辭則雖烈烈也而意則持然然然也

其辭則雖烈烈也而意則持然然然也

制

討叔陵制

凶逆梟獍反噬宮闈賴宗廟之靈時從釋滅撫
情語事酸憤兼懷朝議有章宜從所奏也

辭請率類前集附錄章宜野河表出

凶道泉前又進宮閣前宗廟之靈和野野荒無

樹林刻碑

書

與詹事江總書

管記陸瑜奄然殂化、悲傷悼惜、此情何已、吾生平愛好卿等所悉、自以學涉儒雅、不逮古人、欽賢慕士、是情尤篤、梁室亂離、天下糜沸、書史殘缺、禮樂崩淪、晚生後學、匪無墻面、卓爾出羣、斯人而已、吾識覽雖局、未曾以言議假人、至於片善小才、特用嗟賞、况復洪識奇士、此故忘言之地、論其博綜子史、諳究儒墨、經耳無遺、觸目成

誦一褒一貶一激一揚語立析理披文摘句未
嘗不聞者心伏聽者解頤會意相得自以爲布
衣之賞吾監撫之暇事隙之辰頗用譚笑娛情
琴樽間作雅篇艷什迭互鋒起每清風朗月美
景良辰對羣山之參差望巨波之滉漾或翫新
花時觀落葉旣聽春鳥又聆秋鴈未嘗不促膝
舉觴連情發藻且代琢磨間以嘲諢俱怡耳目
並留情致自謂百年爲速朝露可傷豈謂玉折
蘭摧遽從短運爲悲爲恨常復何言遺跡餘文

觸目增泣絕絃投筆恒有酸恨以卿同志聊復
敘懷涕之無從言不寫意

陽秋三集

卷全

三

銘

護軍孫瑒銘

瑒卒江總爲其誌銘後主又題銘
後四十字遣蔡徵宣勅就宅鐫之

秋風動竹。煙水驚波。幾人樵徑。何處山阿。今時
日月。宿昔綺羅。天長路遠。地久雲多。功臣未勒。
此意如何。

孤家破府

自以宿昔舊恩之義遂蒙入宮之命

昔年曾蒙主命入朝

昔年曾蒙主命入朝

昔年曾蒙主命入朝

昔年曾蒙主命入朝

樂府

採桑

春樓髻梳罷，南陌競相隨。去後花叢散，風來香處移。
廣袖承朝日，長鬟礙聚枝。柯新攀易斷，葉嫩摘前萎。
採桑鉤手弱，微汗雜粧垂。不應歸獨早，堪爲使君知。

日出東南隅行

重輪上瑞暉，西北照南威。南威年二八，開牖敞重闥。
當壚送客去，上苑逐春歸。髻下珠勝月，牕

前、雲、帶、衣、紅、裙、結、未、解、綠、綺、自、難、徽、

三婦艷詞十一首

大婦避秋風中婦夜牀空小婦初兩髻含嬌新
臉紅得意非霰日可憐邪可同

大婦西北樓中婦南陌頭小婦初粧點回眉對
月鈎可憐還自覺人看反更羞

大婦主

一作弄

織機中婦裁春衣小婦新粧冶拂

匣動琴徽長夜理新曲餘嬌且未歸

大婦妬蛾眉中婦逐春時小婦最年少相望捲

羅幃羅幃夜寒卷相望人來遲

大婦上高樓中婦蕩蓮舟小婦獨無事撥帳掩
嬌羞丈夫應自解更深難道留

大婦初調箏中婦飲歌聲小婦春粧罷弄月當
宵檻季子時將意相看不用爭

大婦愛恒偏中婦意常堅小婦獨嬌笑新來華
燭前新來誠可惑爲許得新憐

大婦酌金杯中婦照粧臺小婦偏妖冶下砌折
新梅衆中何假問人今最後來

大婦怨空閨、中婦夜偷啼、小婦獨含笑、正柱作
烏棲、河低帳未掩、夜夜畫眉齊、

大婦正當壚、中婦裁羅襦、小婦獨無事、淇上待
吳姝、鳥歸花復落、欲去却踟躕、

大婦年十五、中婦當春戶、小婦正橫陳、含嬌情
未吐、所愁曉漏促、不恨燈銷炷、

飛來雙白鶴

朔吹已蕭瑟、愁雲屢合開、
立冬辛苦地、白鶴從
風催、音響已清切、毛羽復殘摧、
飛來進、但

爲失雙回儻逢噲參德當共銜珠來

採蓮曲

相○催○暗○中○起○妝○前○日○已○光○隨○宜○巧○注○只○薄○落○點○
花○黃○風○住○疑○衫○密○船○小○畏○裾○長○波○文○散○動○櫂○菱○
花○拂○度○航○低○荷○亂○翠○影○采○袖○新○蓮○香○歸○時○會○被○
喚○且○試○入○蘭○房○

昭君怨

圖形漢宮裡遙聘單于庭狼山聚雲暗龍沙飛
雪輕笳吟度隴咽笛轉出關鳴啼粧寒葉下愁

眉塞月生只餘馬上曲猶作別時聲

朱鷺

參差蒲未齊沈漾若浮綠朱鷺戲蘋藻裴回流
澗曲澗曲多巖樹逶迤復斷續振振雖以明湯
湯今又矚

巫山高

巫山巫峽深峭壁聳春林風巖朝葢落霧嶺晚
猿吟雲來足薦枕雨過非感琴仙姬將夜月度
影自浮沉

有所思三首

蕩子好蘭期、留人獨自思、落花同淚臉、初月似
愁眉、階前看草蔓、牕中對網絲、不言千里別、一作
望復是三春時、

杳杳與人期、遙遙有所思、山川千里間、風月兩
邊時、相對春那劇、相望景偏遲、當由分別久、夢
來還自疑、

佳人在北燕、相望渭橋邊、團團落日樹、耿耿曙
河天、愁多明月下、淚盡鴈行前、別心不可寄、惟

餘琴上絃

雉子斑

四野秋原暗、十步啄方前、雉聲風處遠、翅影雲
間連、箭射妖姬笑、裘值盛明然、已足南皮賞、復
會北宮篇、

臨高臺

晚景登高臺、迴望春光來、霧濃山後暗、日落雲
傍開、煙裏看鴻小、風來望葉回、臨窻已響吹、極
眺且傾杯、

隴頭

隴頭征戍客。寒多不識春。驚風起嘶馬。苦霧雜
飛塵。投錢積石水。歛轡交河津。四面夕冰合。萬
里望佳人。

隴頭水二首

塞外飛蓬征。隴頭流水鳴。漠處揚沙暗。波中燥
葉輕。地風冰易厚。寒深溜轉清。登山一回顧。幽
咽動邊情。

高隴多悲風。寒聲起夜叢。禽飛暗識路。鳥轉逐

征蓬、落葉、時驚、沫移、沙、屢、擁、空、回、頭、不、見、望、流、
水、玉、門、東、

折楊柳二首

楊柳動春情、倡園妾屢驚、入樓含粉色、依風雜、
管、聲、武、昌、識、新、種、官、渡、有、殘、生、還、將、出、塞、曲、仍、
共、胡、笳、鳴、

長條黃復綠、垂絲密且繁、花落幽人徑、步、隱、將、
軍、屯、谷、暗、宵、鉦、響、風、高、夜、笛、喧、聊、持、暫、攀、折、空、
足、憶、中、園、

關山月二首

秋月上中天，迥

一作迴

照關城前，暈缺隨灰滅，光

滿應珠圓，帶樹還添桂，銜峯乍似弦，復教征戍

客長怨，久連翩

戍邊歲月久，恒悲望舒耀，城遙接暈高，澗風連
影搖，寒光帶岫，徒冷色含山，峭看時使人憶，爲
似嬌娥照

洛陽道五首

誼譁照邑里，遨遊出洛京，霜枝嫩柳發，水塹薄

苔生、停鞭、回去影駐、軸敞、前甍、臺上、經相識、城
下、屢逢迎、踟躕、還借問、只重、未知名、

目光、朝杲杲、照耀、東京、道霧、帶城、樓開、啼侵、曙
色、早佳、麗嬌、南陌、香氣、含風、好自、憐釵、上纓、不
歎、河邊、草、

建都、開洛、汭。中地、乃城、陽。縱橫、肆八、達左、右。闢
康莊、銅溝、飛柳、絮。金谷、落花、光。忘情、伊水、側。稅
駕、河橋、傍、

百尺、瞰金、埒。九衢、通玉、堂。柳花、塵裏、暗。槐色、露

中光游俠幽并客。當壚京兆粧。向夕風煙晚。金
羈滿洛陽。

青槐夾馳道。御水映銅溝。遠望凌霄闕。遙看井
幹樓。黃金彈俠少。朱輪盛敝侯。桃花雜渡馬。紛
披聚陌頭。

長安道

建章通未央。長樂屬明光。大道移甲第。甲第玉
爲堂。遊蕩新豐裏。戲馬渭橋傍。當壚晚留客。夜
夜苦紅粧。

梅花落二首

春砌落芳梅。飄零上鳳臺。拂粧疑粉散。逐溜似
萍開。映日花光動。迎風香氣來。佳人早插髻。試
立且徘徊。

楊柳春樓邊。車馬飛風煙。連娉烏孫伎。屬客單
于羶。鴈聲不見書。蠶絲欲斷弦。欲持塞上葢。試
立將軍前。

紫騮馬二首

嫋姚紫塞歸。蹀躞紅塵飛。玉珂鳴廣路。金絡耀

晨輝、蓋轉時移影、香動屢驚衣、禁門猶未閉、連
騎恣相追、

蹀躞紫騮馬、照耀白銀鞍、直去黃龍外、斜趨玄
菟端、垂韉還細柳、揚塵歸上蘭、紅臉桃花色、客
別重羞看、

雨雪曲

長城飛雪下、邊關地籟吟、濛濛九天暗、霏霏千
里深、樹冷月恒少、山霧日偏沉、况聽南歸鴈、切
思胡笳音、

劉生

遊俠長安中。置驛過新豐。擊鐘蒲壁磬。鳴弦楊。
葉弓。孟公正驚客。朱家始賣僮。羞作荆卿笑。捧
劍出遼東。

飲馬長城窟行

征馬入他鄉。山花此夜光。離羣嘶向影。因風屢。
動香。月色含城暗。秋聲襍塞長。何以酬天子。馬
革報疆場。

楊叛兒曲

青春上陽月。結伴戲京華。龍媒玉珂馬。鳳軫繡
香車。水映臨橋樹。風吹夾路花。日昏歡宴罷。相
將歸狹斜。

舞媚娘三首

樓上多嬌艷。當牕并三五。爭弄遊春陌。相邀開
繡戶。轉態結紅裙。含嬌拾翠羽。留賓乍拂絃。託
意時移柱。

淇水變新臺。春壚當夏開。玉面含羞出。金鞍排
夜來。

春日好

一作多

風光尋觀向市傍、轉身移佩響、牽

袖起衣香

估客樂

三江結儔侶。萬里不辭遙。恒隨鷁首舫。屢逐雞
鳴潮

三洲歌

春江聊一望。細草遍長洲。沙汀時起伏。畫舸屢
淹留

前有一樽酒行

殿高絲吹滿日落綺羅鮮莫論朝漏促傾卮待
夕筵

自君之出矣六首

自君之出矣霜暉當夜明思君若風影來去不
曾停

自君之出矣房空帷帳輕思君如晝燭懷心不
見明

自君之出矣不分道無情思君若寒草零落故
心生

目君之出矣、塵網暗羅幃、思君如落日、無有暫還時、

自君之出矣、綠草遍堦生、思君如夜燭、垂淚著雞鳴、

自君之出矣、愁顏難復覩、思君如藥條、夜夜只交苦、

玉樹後庭花

麗宇芳林對高閣、新妝艷質本傾城、映戶凝嬌乍不進、出帷含態笑相迎、妖姬臉似花含露、玉

樹流光照後庭

烏棲曲三首

陌頭新花厯亂生。葉裏啼鳥送春情。長安遊俠
無數伴。白馬驪珂路中滿。

金鞍向暝欲相連。玉面俱要來帳前。含態眼語

懸相解

音蟹

翠帶羅裙人爲解。

合歡襦薰百和香。牀中被織兩鴛鴦。烏啼漢沒
天應曙。只持懷抱送郎去。

東飛伯勞歌

池側鴛鴦春日鶯綠珠絳樹相逢迎誰家佳麗
過淇上翠釵綺袖波中漾雕軒繡戶花恒發珠
簾玉砌移明月年時二七猶未笄轉顧流盼鬟
髻低風飛葢落將一作時何故可惜可憐空擲度

長相思二首

長相思久相憶關山征戍何時極望風雲絕音
息上林書不歸迴文徒自織羞將別後面還似
初相識。

長相思怨成悲蝶縈草樹連絲庭花飄散飛入

帷帷中看隻影對鏡歛雙眉兩見同見月兩別
共春時

古曲

桂鉤影桂枝開紫綺袖逐風迴日明珠色偏亮
葉盡衫香更來

獨酌謠四首

有序

齊人淳于髡善爲十酒偶效之作獨酌謠

獨酌謠獨酌且獨謠一酌豈陶暑二酌斷風颭
三酌意不暢四酌情無聊五酌盃易覆六酌懽

欲調七酌累心去，八酌高志超。九酌忘物我，十酌忽凌霄。凌霄異羽翼，任致得飄飄。甯學世人醉，揚波去我遙。爾非浮邱伯，安見王子喬。

獨酌謠。獨酌起中宵。中宵照春月，初花發春朝。春花春月正，裴徊一尊一絃。當夜開聊奏，孫登曲仍斟。畢卓杯羅綺，徒紛亂。金翠轉遲回，中心本如水。凝志更同灰，逍遙自可樂。世語世情哉。獨酌謠。獨酌酒難消。獨酌三兩盃，弄曲兩三調。調絃忽未畢，忽值出房朝。更似遊春苑，還如逢

麗譙衣香逐嬌去，眼語送杯嬌餘罇。盡復益自得，是逍遙。

獨酌謠，獨酌一尊酒。尊酒傾未酌，明月正當牖。是牖非圓甕，吾樂非擊缶。自任物外懽，更齊椿菌久。卷舒乃一卷，忘情且十斗。甯復語綺羅，因情卽山藪。

詩

同江僕射遊攝山棲霞寺

以下
五言

時宰礪溪心，非關狎竹林。
鷺嶽青松遶，雞峯白日沈。
天迴浮雲細，山空明月深。
摧殘枯樹影，零落古藤陰。
霜村夜鳥去，風路寒猿吟。
自悲堪出俗，詎是欲抽簪。

同平南弟元日思歸

至德掩羲黃，成功邁禹湯。
儀刑元四海，來庭盛萬方。
鳴玉觀升降，擊石乃鏗鏘。
三春氣色早，九

陳後主集

卷全

詩

三

疑煙霧長、浮雲斷更續、輕花落復香、北宮瞻遠、
岫南服阻遙、江爾言想伊洛、我思屬瀟湘、

立春日汎舟立圃各賦一字六韻成篇

春光反禁苑、曖日暖源桃、霄煙近漠漠、暗浪遠
滔滔、石苔侵綠蘚、岸草發青袍、迴歌逐轉櫂、浮
冰隨度刀、遙看柳色嫩、迴望鳥飛高、自得欣爲
樂、忘意若臨濠、

獻歲立春、風光具美、汎舟立圃、各賦六韻、
寒輕條已翠、春初未嘽、禽野雪明、巖曲山花照、

迴林苔色隨水溜樹影帶風沈沙長見水落歌
遙覺浦深餘輝斜四戶流風颺八音旣此留連
席道欣放曠心

上巳宴麗暉殿各賦一字十韻

芳景滿闢牕暄光生遠阜更以登臨趣還勝祓
禊酒日照源上桃風搖城外柳斷雲仍合霧輕
霞時映牖遠樹帶山高嬌鶯含響偶一峯遙落
日數花飛映綬度鳥或遛檐飄絲屢薄藪言志
適爲樂置觴方薦壽文學且迺筵羅綺令陳後

干戈幸勿用，甯須勞馬首。

上巳立圃宣猷堂禊飲同共八韻

綺殿三春晚，玉燭四時平。藤交近浦暗，花照遠林明。
百戲堦庭滿，八音絃調清。鶯喧雜管韻，鐘響帶風生。
山高雲氣積，水急溜杯輕。簪纓今盛此，俊乂本多名。
帶才盡壯思，文采發雕英。樂是西園日，歡茲南館情。

春色禊辰盡當曲宴各賦十韻

餘春尚芳菲，中園飛桃李。是時乃季月，茲日叶

上已既有遊伊洛，可以袞溱洧，得性足爲娛。高
堂聊復擬高堂，亦有趣圖續此芳軌。棲遁稱式
驂，善政日馴雉。蘭桂觀往轍，簪裾躡前趾。啼禽
靜或喧，花落低還起。水霧遙混襍，山雲遠相似。
坐客聽一言，隨吾祛俗鄙。

袞襖汎舟春日立圃各賦七韻

園林多趣賞，袞襖樂還尋。春池已渺漫，高枝自
崒森。日裏絲光動，水中花色沈。安流淺易榜，峭
壁迥難臨。野鶯添管響，深岫接鏡音。山遠風煙

麗苔輕激浪、侵置酒來英雅、嘉賢良所欽、

上巳立圃宣猷禊酌各賦六韻

園開簪帶合、亭迴春芳過、鶯度遊絲斷、風駛落花多、
峯幽來鳥囀、洲橫擁浪波、歌聲初出牖、舞影乍侵柯、
面玉同釵玉、衣蘿異草蘿、旣悅弦筒暢、復歡文酒和、

七夕宴宣猷堂各賦一韻詠五物用得帳

屏風案唾壺履

錦作明玳牀、黼垂光粉壁、帶日芙蓉照、因吹芳

芬拆帳

織成如續綵、琉璃畏風擊、秦宮得絕超、漢座殊

班敵屏風

已羅七俎滿、兼逢百品易、張陳答贈言、梁室齊

眉席案

蘊仙此還異、掌漏翻非役、侍臣乃執捧、良賓乃

投擲唾壺

賢舍觀穴踵、瓜田覩躡迹、矩步今有儀、用此前

嘉客履

七夕宴重詠牛女各爲五韻

明月照高臺，仙駕忽裴徊。
雷徒聞車度，霞上見粧開。
房移看動馬，斗轉望斟杯。
靨色隨星去，髻影褫雲來。
更覺今宵短，只遽日輪催。

同管記陸琛七夕五韻

亭亭秋月明，團團夕露輕。
鳳駕今時度，霓騎此宵迎。
疏上綵霞動，粉外白雲生。
故嬌隔分別，新歡起舊情。
含笑不終夜，香風空自停。

七夕宴樂修殿各賦六韻

秋初菱荷殿寶帳芙蓉開玉笛隨弦上金鈿逐
照、翅、釵、光、搖、玳、瑁、柱、色、輕、玫、瑰、笑、靨、人、前、歛、衣、
香、動、處、來、非、同、七、襄、駕、詎、隔、一、春、梅、神、仙、定、不
及甯用流霞杯

七夕宴玄圃各賦五韻

殿深炎氣少日落夜風清月小看針暗雲開見
縷明絲調聽魚出吹響聞蟬聲度更銀燭盡陶
暑玉卮盈星津雖可望詎得似人情

同管記陸瑜九日觀馬射

晴朝麗早霜。秋景照堂皇。榦慘風威切。荷彫池
望荒。樓高看鴈下。葉散覺山涼。歇霧含空翠。新
花濕露黃。飛禽接旆影。度日轉鉞光。連翻北幽
騎。馳射西園傍。勒移碼碯色。鞭起珊瑚揚。已同
過隙遠。更異良弓藏。且觀千里汗。仍瞻百步楊。
非爲從逸賞。方追塞外羌。

畫堂良夜。履長在節。歌管賦詩。迺筵命酒。

十韻成篇

季冬初陽始。寒氣尚蕭颯。原葉成委低。岫雲時

吐飲雕樹乍疎迴遠峯自重脊雲興四山霾風
動萬籟答肅肅凝霜下峩峩層冰合複殿可以
娛於茲多延納迢迢百尺觀杳杳三休閣前後
訓導屏左右文衛匝進退簪纓移縱橫壯思禱
幸矣天地泰當無范睢拉

同管記陸瑜七夕四韻

河漢言清淺相望限煙霄雲生劍氣沒槎還客
宿遙月上仍爲鏡星連可作橋唯當有今夕一
夜不迢迢

初伏七夕已覺微涼。既引應徐。且命燕趙。
清風朗月。以望七襄之駕。置酒陳樂。各
賦四韻之篇。

廣席多才俊。重合引珠妍。管絃檐外響。羅綺樹
中鮮。舉針還向月。上舞復依筵。度河將
殿相
看併是僊

晚宴文思殿

晚日落餘暉。宵園翠蓋飛。荷影侵池浪。雲色入
山扉。螢光息復起。暗鳥去翻歸。樂極未言醉。杯

深猶恨稀

宴光壁殿詠遙山燈

照耀浮輝明飄飄落燼輕枝多含樹影煙上帶
珮生雜桂還如月依柳更疑星園中鶴未麗池
上鳬飛驚

三善殿夕望山燈

重岫多風煙華燈此岫邊涸浦如珠露彫樹似
花鈿依樓雜度月帶石影開蓮既有常滿照羞
與曉星連

入隋侍宴應詔

日月光天德。山河壯帝居。太平無以報。願上東

封

一作書
萬年

幸立武湖餞吳興太守任惠

寒。雲。輕。重。色。秋。水。去。來。波。待。我。戎。衣。定。然。送。大

風歌

宴詹事陸繕省

禁闥九重中。宴賞三春日。雲收上樹隱。葉長宮

槐密水綠已浮苔花舒正含實

闕

聽箏

雜言

文牕玳瑁影嬋娟，香帷翡翠出神仙。
促柱點唇鶯欲語，調弦繫爪鴈相連。
秦聲本自揚家解，吳歎那知謝傅憐。
祇愁芳夜促，蘭膏無那煎。

戲贈沈后

留人不留人，不留人也去。
此處不留人，自有留人處。

附隋渠詩

隋煬帝夕泛舟北海，忽見水上有小舟。
至，乃陳後主也。帝起迎之，後主曰：聞陛下

下開隋渠引洪河之水
東遊維揚因作詩以奏

隋室開茲水，初心謀大賒。
一千里力役，百萬民吁嗟。
水殿不復返，龍舟成小瑕。
溢流隨徙岸，濁浪噴黃沙。
兩人迎客至，三月柳飛花。
日脚沈雲外，榆梢噪暝鴉。
如今遊子俗，異日便天家。
且樂人間景，休尋海上槎。
人喧舟艤岸，風細錦帆斜。
莫言無後利，千古壯京華。

小牕詩

煬帝昏酒嘗遊吳公宅雞臺忽與陳後
主相遇後主復書數十篇帝止記小牕

及寄侍兒
碧玉詩

午醉醒來晚、無人夢自驚、夕陽如有意、偏傍小、
牕明、

寄碧玉詩

離別腸應斷、相思骨合銷、愁魂若飛散、憑仗一
相招、

本紀

後主諱叔寶字元秀小字黃奴高宗嫡長子也
梁承聖二年十一月戊寅生於江陵明年江陵
陷高宗遷關右留後主于穰城天嘉三年歸京
師立爲安成王世子天康元年授甯遠將軍置
佐史光大二年爲太子中庶子尋遷侍中餘如
故太建元年正月甲午立爲皇太子十四年正
月甲寅高宗崩乙卯始興王叔陵作逆伏誅丁
巳太子卽皇帝位于太極前殿禎明二年

隋遣晉王廣衆軍來伐自巴蜀沔漢下流至廣陵數十道俱入緣江鎮戍相繼奏聞時新除湘州刺史施文慶中書舍人沈客卿掌機密用事竝抑而不言故無備禦禎明三年

隋總管賀若弼自北道廣陵濟京口總管韓擒虎趨橫江濟採石自南道將會弼軍景寅採石戍主徐子建馳啓告變丁卯召公卿入議軍旅戊辰內外戒嚴以驃騎將軍蕭摩訶護軍將軍樊毅中領軍魯廣達竝爲都督遣南豫州刺史

樊猛帥舟師出白下散騎常侍臯文奏將兵鎮南豫州庚午賀若弼攻陷南徐州辛未韓擒虎又陷南豫州文奏敗還至是隋軍南北道竝進後主遣驃騎大將軍司徒豫章王叔英屯朝堂蕭摩訶屯樂遊苑樊毅屯耆闍寺魯廣達屯白土岡忠武將軍孔範屯寶田寺己卯鎮東大將軍任忠自吳興入赴仍屯朱雀門辛巳賀若弼進據鍾山頓白土岡之東南甲申後主遣衆軍與弼合戰衆軍敗績弼乘勝至樂遊苑魯廣達

猶督散兵力戰、不能拒弼進攻宮城、燒北掖門、
是時韓擒虎率衆自新林至於石子岡、任忠出
降於擒虎、仍引擒虎經朱雀航趨宮城、自南掖
門而入、於是城內文武百司皆遁出、唯尚書僕
射袁憲在殿內、尚書令江總、吏部尚書姚察、度
支尚書袁權、前度支尚書王瑗、侍中王寬、在省
中、後主聞兵至、從宮人十餘出後堂、景陽殿、將
自投於井、袁憲侍側苦諫不從、後閣舍人夏侯
公韻又以身蔽井、後主與爭久之、方得入焉、及

夜爲隋軍所執。景戌晉王廣入據京城。三月己巳後主與王公百司發自建鄴入於長安。隋仁壽四年十一月壬子薨於洛陽。時年五十二。追贈大將軍封長城縣公。謚曰煬。葬河南洛陽之芒山。

史臣曰後主昔在儲宮。早標令德。及南面繼業。寔允天人之望矣。至於禮樂刑政。咸遵故典。加以深弘六藝。廣闢四門。是以待詔之徒。爭趨金馬。稽古之秀。雲集石渠。且梯山航海。朝貢者往。

往歲至矣。自魏正始晉中朝以來。貴臣雖有識
治者。皆以文學相處。罕關庶務。朝章大典。方參
議焉。文案簿領。咸委小吏。浸以成俗。迄至於陳
後主。因循未遑改革。故施文慶沈客卿之徒。專
掌軍國要務。姦黠左道。以哀刻爲功。自取身榮。
不存國計。是以朝經墮廢。禍生隣國。斯亦運鍾
百六。鼎王遷變。非唯人事不昌。蓋天意然也。

37